

REGIONAL NEWS UNIT ALL  
INDIA RADIO, SILCHAR

\*\*\*\*\*

MORNING BULLETIN : BENGALI

Date:- 24-04-2018

Time : 07:35-07:40 am

\*\*\*\*\*

আজ পঞ্চায়েত দিবস । এ উপলক্ষ্যে প্রধানমন্ত্রী জাতীয় গ্রাম উন্নয়ন প্রকল্পের অধীনে আসাম সরকারের পঞ্চায়েৎ এবং গ্রামন্নয়ন বিভাগ রাজ্যের গ্রামাঞ্চলের উন্নয়নের জন্য বেশ কিছু প্রকল্প গ্রহন করেছে । প্রধানমন্ত্রী গ্রামীণ আবাস যোজনার অধীনে রাজ্য সরকার ২০২২ সালের মধ্যে সব গৃহহীন লোকেদের একটি করে ঘর প্রদান করার সিদ্ধান্ত গ্রহন করেছে । রাজ্য সরকারের গৃহীত উন্নয়নমূলক প্রকল্পের হিতাধিকারী নির্বাচনের জন্য আর্থ সামাজিক জাতি গণনার সাহায্য নেওয়া হয়েছে বলে সরকারী সূত্রে জানানো হয়েছে ।

এছাড়া প্রধানমন্ত্রী আবাস যোজনার অধীনে প্রতিটি গৃহ নির্মাণ বাবদ হিতাধিকারীরা নিজেদের বেঞ্চ একাউন্টে তিনটি কিস্তিতে ১ লক্ষ ৩০ হাজার টাকা করে পাবেন । গ্রামাঞ্চলে কর্মসংস্থানের সুবিধা গ্রহনের জন্য এবং গ্রামাঞ্চলের লোকেদের আর্থিকভাবে স্বচ্ছল করে তোলার উদ্দেশ্যে গৃহীত মহাত্মা গান্ধী রাষ্ট্রীয় গ্রাম্য নিয়োগ নিশ্চিতকরণ প্রকল্পের অধীনে কাজ করতে আগ্রহীদের গ্রামপঞ্চায়েতে আবেদন করতে হবে । রাজ্য সরকার সামাজিক সুরক্ষা এবং সমাজের কল্যাণের উদ্দেশ্যে দরিদ্র সীমারেখার নীচের বয়স্ক পুরুষ মহিলা ,বিধবা এবং দিব্যাঙ্গদের পেন্সন প্রদানের ব্যবস্থা গ্রহন করেছে ।এই প্রকল্পের অধীনে হিতাধিকারীদের প্রাপ্য অর্থ তাদের একাউন্টে সরাসরি হস্তান্তর করার ব্যবস্থা গ্রহন করা হয়েছে । এছাড়া জাতীয় গ্রামীণ জীবিকা অভিযান ,দীনদয়াল উপাধ্যায় গ্রামীণ কৌশল যোজনা ,কনকলতা মহিলা সবলিকরণ যোজনা এবং আমার গ্রাম আমার প্রকল্পের অধীনে গ্রামগুলির সর্বাঙ্গীন বিকাশের উদ্দেশ্যে সরকার বেশ কিছু প্রকল্পের কাজ শুরু করেছে ।

---

গ্রাম স্বরাজ অভিযান কর্মসূচীর অধীনে করিমগঞ্জ জেলার ৯৬ টি গ্রাম পঞ্চায়েতে আজ গ্রাম সভার আয়োজন করা হয়েছে। এ উপলক্ষে গ্রামগুলিতে চালু থাকা কর্মসূচীগুলি সম্পর্কে সচেতনতা বাড়াতে বিভিন্ন কার্যসূচীর আয়োজন করা হয়েছে। কার্যসূচীর মধ্যে রয়েছে প্রভাত ফেরী, ক্রীড়া, সাংস্কৃতিক অনুষ্ঠান ইত্যাদি। এছাড়া গ্রামীণ এলাকার উন্নয়নে মহিলাদের ভূমিকা ও নিরাপদ পানীয় জলের ব্যবহার নিয়ে আলোচনা করা হবে। এছাড়া পঞ্চায়েতরাজ সংক্রান্ত সংবিধানের ৭৩ তম সংশোধনী সম্পর্কে সচেতনতা বাড়াতে পঞ্চায়েত দিবসের তাৎপর্য নিয়েও আলোচনা করা হবে।

---

আসাম বিশ্ববিদ্যালয়ের ইংরেজী বিভাগ এবং মৌলানা আবুল কালাম আজাদ ইনষ্টিটিউট অব এশিয়ান স্টাডিজের যৌথ উদ্যোগে গতকাল বিশ্ববিদ্যালয়ে একদিনের কর্মশালার আয়োজন করা হয়েছে। কর্মশালার উদ্বোধন করে রাষ্ট্রীয় স্বয়ং সেবক সংঘের জাতীয় কার্য নির্বাহী সমিতির সদস্য গৌরী শঙ্কর চক্রবর্তী বলেন যে নাগরিকত্ব প্রদানের বিষয়টি সম্পূর্ণ কেন্দ্রীয় সরকারের বিষয়। এজন্য সংসদে নাগরিকত্ব সংশোধনী বিল পাস করাতে হবে।

---

বরাক উপত্যকা বঙ্গ সাহিত্য ও সংস্কৃতি সম্মেলনের শিলচর শহর আঞ্চলিক সমিতির উদ্যোগে গত রবিবার স্থানীয় বঙ্গভবনে সম্মেলনের প্রাক্তন কেন্দ্রীয় সভাপতি কবি শক্তিপদ ব্রহ্মচারীর জন্মদিন পালন করা হয়েছে। এ উপলক্ষ্যে আয়োজিত এক আলোচনা সভায় কবির জীবন, কর্ম ও কবিতা নিয়ে আলোচনা করেন দীপক সেনগুপ্ত, গৌতম প্রসাদ দত্ত, সীমান্ত ভট্টাচার্য প্রমুখ।

---

সড়ক সুরক্ষা সপ্তাহ পালনের অঙ্গ হিসেবে আজ কাছাড় জেলার দিগরখালে পথ সুরক্ষা সম্পর্কে সচেতনতা সভা আনুষ্ঠিত হবে। গতকাল থেকে রাজ্যব্যাপী শুরু হওয়া সড়ক সুরক্ষা সপ্তাহের অঙ্গ হিসেবে কাছাড় জেলার ময়নারবন্দে সড়ক সুরক্ষার সূচনা করেন জেলা পরিবহন আধিকারীক হমেন দাস। এদিন পথচারী এবং গাড়ির চালকদের মধ্যে পথ সুরক্ষা বিষয়ে প্রচার পত্র বিতরণ করা হয়।

---

হাইলাকান্দি জেলায়ও গতকাল থেকে সড়ক সুরক্ষা সপ্তাহ পালন শুরু হয়েছে। সপ্তাহব্যাপী এই কার্যসূচীর মাধ্যমে ট্রাফিক নিয়ম এবং সড়ক সুরক্ষার নিয়মবলী সম্পর্কে জনসাধারণকে সচেতন করার প্রচেষ্টা করা হবে। জেলা পরিবহন আধিকারিক নূপেন কলিতা জানিয়েছেন যে বিভিন্ন কার্যসূচীর মাধ্যমে সড়ক সুরক্ষা সপ্তাহ সম্পর্কে জনসাধারণের মধ্যে সচেতনতা বৃদ্ধি করার প্রয়াস করা হবে। এবারের সপ্তাহব্যাপী সড়ক সুরক্ষার মূল বিষয় হচ্ছে সড়ক সুরক্ষা - জীবন সুরক্ষা।

---

পূর্ত বিভাগের সহকারী কার্যবাহী বাস্তুকার এক বিজ্ঞপ্তিতে জানিয়েছেন যে শিলচর দিক থেকে সদরঘাটের বরাক সেতুতে উঠার জায়গায় কিছু কারিগরী সমস্যা দেখা দেওয়ায় আজ থেকে এক সপ্তাহ পর্যন্ত যানবাহন চলাচলে কিছুটা বিধি নিষেধ জারী করা হয়েছে। আগামী সাত দিন এই বরাক সেতুতে যানবাহন এক দিকেই চলাচল করবে বলে বিজ্ঞপ্তিতে জানানো হয়েছে।

---

কাছাড়ের বন বিভাগ থেকে জানানো হয়েছে যে আগামী ১১ই মে টিম্বার লটস ও সোন টিম্বারসের বিক্রয়ের জন্য বিজ্ঞপ্তী জারী করা হয়েছে বিশদ বিবরণ কাছাড়ের বন বিভাগের কার্যালয়ে পাওয়া যাবে।

---

সমাপ্ত

